

CONVOCATORIA PÚBLICA DE CONTRATACIÓN DE PERSONAL PARA COLABORAR EN ACTIVIDADES E PROXECTOS DE INVESTIGACIÓN MEDIANTE CONTRATO DE OBRA OU SERVIZO DETERMINADO

A Universidade de Santiago de Compostela convoca Concurso Público **Nº 2/2013** para contratar a persoal que especificamente colabore nas actividades e proxectos de investigación que figuran nos anexos a esta Resolución Reitoral, de acordo coas seguintes bases.

1.-OBJECTO

O obxecto da presente convocatoria é contratar persoal para colaborar nas actividades e proxectos de investigación que figuran nos anexos I e II da presente convocatoria.

O persoal contratado colaborará especificamente na actividade ou proxecto de investigación para o que é contratado.

2.-REQUISITOS DOS CANDIDATOS

Para seren admitidos os aspirantes, ademais de cumprir os requisitos específicos esixidos na actividade ou proxecto de investigación para a que realicen a súa solicitude e que figuran no anexo I desta convocatoria, deberán posuír no día de remate de presentación de solicitudes e mantelos ata a data de sinatura do contrato, os seguintes requisitos de carácter xeral:

- Ser español ou nacional dalgún dos demais estados membros da Unión Europea ou nacional dalgún estado, ao que, en virtude de tratados internacionais celebrados pola Unión Europea e ratificados por España, lles sexa de aplicación a libre circulación de traballadores.
- Tamén poderán participar, calquera que sexa a súa nacionalidade, o cónxuxe dos españois e dos nacionais dalgún dos demais estados membros da Unión Europea, e cando así o prevea o correspondente tratado, ou dos nacionais dalgún estado ao cal en virtude dos tratados internacionais celebrados pola Unión Europea e ratificados por España lle sexa de aplicación a libre circulación de traballadores, sempre que non estean separados de dereito. Así mesmo, coas mesmas condicións, poderán participar os seus descendentes e os do seu cónxuxe, menores de vinte e un anos ou maiores da dita idade que vivan ás súas expensas.
- Os estranxeiros que non estando incluídos no parágrafos anteriores se atopen con residencia legal en España.
- Ter cumpridos os 16 anos e non exceder da idade máxima de xubilación forzosa.
- Estar en posesión da titulación válida en España que se indique nos anexos I e II da convocatoria.
- Non padecer enfermidade nin estar afectado por limitación física ou psíquica que sexa incompatible co desempeño das correspondentes funcións.

- Non estar separado, mediante expediente disciplinario do servizo de calquera das administracións públicas nin estar inhabilitado para o desempeño das funcións públicas.

3.-SOLICITUDES

Quen desexe participar neste proceso selectivo deberá solicitalo ao reitor da USC en instancia, segundo o modelo que figura como anexo III desta convocatoria, no prazo de dez (10) días hábiles contados a partir do seguinte ao da publicación do anuncio desta convocatoria.

As solicitudes serán presentadas nos Rexistros Xerais da USC, sitios no Colexio San Xerome, Praza do Obradoiro s/n, 15782 Santiago de Compostela, nos Servizos Centrais do Campus de Lugo, Edificio Biblioteca Intercentros, 27002 Lugo, no Rexistro da Oficina de Investigación e Tecnoloxía, edificio Cactus, Campus Vida, 15782, Santiago de Compostela ou por calquera dos procedementos establecidos no artigo 38 da Lei 30/1992 de Réxime Xurídico das Administracións Públicas e do Procedemento Administrativo Común.

4.-DOCUMENTACIÓN

Os aspirantes, para seren admitidos ao proceso selectivo, acompañaran necesariamente á súa solicitude a seguinte documentación:

- Fotocopia simple da certificación académica na que consten as cualificacións obtidas nos seus estudos. As certificacións dos estudos realizados no estranxeiro deberán presentarse coas correspondentes traducións oficiais ao español ou galego, que deberá facerse por un tradutor xurado debidamente autorizado en España.
- Fotocopia simple da documentación xustificativa do cumprimento dos requisitos esixidos no anexo I da convocatoria.
- Fotocopia simple da documentación xustificativa dos méritos alegados.

5.-ADMISIÓN DE ASPIRANTES

Rematado o prazo de presentación de solicitudes, o reitor da USC ditará resolución, declarando aprobada a listaxe provisional de admitidos e excluídos.

Os aspirantes excluídos, disporán dun prazo de dez días hábiles, contados a partir do seguinte ao da publicación da citada resolución, para poder emendar os defectos que motivaron a súa exclusión.

Os aspirantes que, dentro do prazo sinalado, non emenden a exclusión ou aleguen a omisión, xustificando o dereito a seren incluídos na relación de admitidos, serán definitivamente excluídos.

O feito de figurar na listaxe de admitidos non prexulga que se lles recoñeza ás persoas interesadas a posesión dos requisitos esixidos, que terán que acreditarse non seu momento.

6.-COMISIÓN DE SELECCIÓN

A Comisión de selección encargada de resolver esta convocatoria estará composta por:

Presidente: Francisco González García Vicerreitor de Investigación e Innovación.

Secretario: Emilio Santos Vigo, Xefe do Servizo de Convocatorias e Recursos Humanos de I+D

Vogais:

Rogelio Conde-Pumpido Tourón, Director da Área de Xestión e Valorización de I+D

Dolores Pérez Meiras, investigadora da USC.

O investigador principal da actividade ou proxecto de investigación propoñente da praza, que figura no anexo I destas bases.

A Comisión de selección constituirase para cada unha das prazas que figuren no anexo I destas bases, formando parte da mesma o investigador proposto da devandita praza.

Os membros da comisión deberán de absterse de intervir, notificándollo ao reitor da Universidade, cando concorran neles circunstancias previstas no artigo 28 da Lei 30/1992, do 26 de novembro, ou se realizen tarefas de preparación de aspirantes a probas selectivas nos cinco anos anteriores á publicación deste proceso selectivo.

Así mesmo os aspirantes poderán recusar aos membros da comisión cando concorran algunha das circunstancias antes citadas.

Logo da convocatoria do presidente, constituirase a comisión, coa asistencia da maioría absoluta dos seus membros. Na dita sesión, o tribunal acordará todas as decisións que lle correspondan para o correcto desenvolvemento das probas selectivas.

A partir da súa constitución a comisión, para actuar validamente, requirirá a presenza da maioría absoluta dos seus membros, titulares ou suplentes.

A comisión resolverá todas as dúbidas que puidesen xurdir na aplicación destas normas así como o que se deberá facer nos casos non previstos.

O investigador propoñente á vista das solicitudes presentadas e dos criterios de baremación publicados deberá presentar á comisión de selección, da que forma parte, un informe razoado no que avaliará e priorizará as solicitudes presentadas.

7.-CARACTERÍSTICAS DOS CONTRATOS

As características dos contratos son as establecidas, para cada caso concreto, nos anexos I e II desta convocatoria.

8.-NATUREZA DOS CONTRATOS

A contratación non implica ningún compromiso en canto á posterior incorporación ao cadro de persoal da Universidade de Santiago de Compostela.

9.-RESPONSABILIDADES SUBSIDIARIAS

As persoas contratadas deberán manter a confidencialidade da actividade que realicen, así como gardar sigilo de todas as cuestións e asuntos inherentes á mesma e das que sexa coñecedor.

10.-CRITERIOS DE BAREMACIÓN

Os criterios de baremación que se terán en conta serán os figuran, para cada praza en concreto, no anexo I desta convocatoria.

11.-PROCEDIMENTO DE SELECCIÓN

A comisión de selección tendo en conta os criterios de baremación publicados valorará os méritos alegados polos aspirantes. Soamente poderán ser considerados aqueles méritos obtidos ata a data en que finalice o prazo de presentación de solicitudes.

Os resultados provisionais publicaranse, establecéndose un prazo de reclamacións de 3 días naturais. Vistas as reclamacións ou transcorrido dito prazo sen que se tivese presentado ningunha, publicaranse os resultados definitivos.

A comisión, para elaborar a proposta de adxudicación ordeará as solicitudes de maior a menor, correspondendo a proposta de adxudicación ao aspirante con maior puntuación. Dita proposta elevarase á Vicerreitoría de Investigación e Innovación, para a súa adxudicación.

A Comisión de selección en caso de evidenciarse a inadecuación dos méritos dos aspirantes ao perfil obxecto da convocatoria poderá declarar motivadamente a non adxudicación do posto convocado.

12.-NOTIFICACIÓN AOS ASPIRANTES

De acordo co artigo 59.6b) da Lei 30/1992, de 26 de novembro, as publicacións detalladas nestas bases, así como a información doutros actos que dela se deriven que requiran publicación, a

efectos de notificación realizaranse no taboleiro de anuncios da Reitoría, única notificación válida, a efectos do artigo antes mencionado.


Así mesmo serán publicadas no taboleiro de anuncios da Vicerreitoría de Coordinación do Campus de Lugo e no taboleiro de anuncios da Oficina de Investigación e Tecnoloxía .

Contra a presente resolución que esgota a vía administrativa, poderá interpoñerse recurso contencioso-administrativo perante a Sala do Contencioso-Administrativo do Tribunal Superior de Xustiza de Galicia no prazo de dous meses contados a partir do día seguinte ao da súa publicación de conformidade cos artigos 46 e 10.1ª.a) da Lei da Xurisdición contencioso-administrativa, aprobada por Lei 29/1998, do 13 de xullo.

Non obstante os interesados poderán interpoñer recurso potestativo de reposición no prazo dun mes perante o órgano que o ditou. Neste caso non se poderá interpoñer recurso contencioso-administrativo anteriormente indicado en tanto non recaia resolución expresa ou presunta do recurso administrativo de reposición, ao abeiro dos artigos 116 e seguintes da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

Santiago de Compostela, 7 de febreiro de 2013

Por delegación do Reitor
(Resolución do 10/08/2011, DOG 18/08/2011)
O Vicerreitor de Investigación e Innovación,



Francisco González García



VICERREITORÍA DE INVESTIGACIÓN
E INNOVACIÓN

Oficina de Investigación e Tecnoloxía

Servizo de Convocatorias e Recursos Humanos de I+D

Edificio CACTUS – Campus Vida

15782 Santiago de Compostela

Tel. 881816201- Fax 881 547 077

Correo electrónico: citinfo@usc.es

<http://imaisd.usc.es>

ANEXO I

PROXECTO

Título da actividade: Modelos de inferencia no paramétrica para indicadores medioambientais
Referencia da actividade: 2010-PG158
Centro de traballo : Facultade de Matemáticas
Investigador Principal: Wenceslao González Manteiga

Número de prazas: 1

OBXECTO DA OBRA OU SERVIZO

Traballo a realizar: Programación en R de indicadores medioambientais en base al filtro de Kalman

CONDICIÓNS DO CONTRATO

Retribución bruta mensual: 604,74 €
Duración do contrato: 6 meses
Data inicio prevista: 01/04/2013
Data fin prevista: 30/09/2013
Xornada laboral: tempo parcial

REQUISITOS E MÉRITOS DOS CANDIDATOS

REQUISITOS

Titulacións: Licenciado/a en Matemáticas

MÉRITOS: expediente académico (5 puntos), cursos adicionais de máster ou doutorado (2 puntos), coñecemento de modelos de predicción semiparamétrica (2 puntos), coñecementos de R (1 punto)

PROXECTO

Título da actividade: Desenvolvemento de información nunha aplicación web para o estudo morfoxenético do léxico
Referencia da actividade: 2010-PG140
Centro de traballo : Facultade de Filoloxía
Investigador Principal: María José Rodríguez Espiñeira

Número de prazas: 1

OBXECTO DA OBRA OU SERVIZO

Traballo a realizar: Revisión de datos introducidos e solución de erros detectados na base de datos MORFOGEN (bdme.usc.es). Engadido de novos datos nas fichas de termos en familias léxicas do español e do latín

CONDICIÓNS DO CONTRATO

Retribución bruta mensual : 930,00 €
Duración do contrato: 6 meses
Data inicio prevista: 01/04/2013
Data fin prevista: 30/09/2013
Xornada laboral: tempo parcial

REQUISITOS E MÉRITOS DOS CANDIDATOS

REQUISITOS

Titulacións: Licenciado/a en Filoloxía Hispánica

MÉRITOS: Expediente académico (4 puntos), experiencia acreditada en traballos con bases de datos léxicas (2 puntos), coñecemento acreditado de linguas estranxeiras (2 puntos), Cursos de máster, asistencia e participación en congresos, docencia de nivel universitario relacionados con actividades de carácter lingüístico (2 puntos)

PROXECTO

Título da actividade: Consolidación e estruturación de unidades de investigación competitivas 2012

Referencia da actividade: 2012-PG014

Centro de traballo : CIQUS

Investigador Principal: M^a Dolores Pérez Meirás

Número de prazas: 1

OBXECTO DA OBRA OU SERVIZO

Traballo a realizar: Apoio técnico á posta en marcha do almacén e central de compras centralizada do CIQUS e ao establecemento do plan de apoio instrumental

CONDICIÓNS DO CONTRATO

Retribución bruta mensual : 1.060 €

Duración do contrato: 7 meses

Data inicio prevista: 01/04/2013

Data fin prevista: 31/10/2013

Xornada laboral: tempo completo

REQUISITOS E MÉRITOS DOS CANDIDATOS

REQUISITOS

Titulacións: FP Grao Superior (Rama Química) ou Licenciado en Química

MÉRITOS: expediente académico (4 puntos), experiencia previa en manipulación de produtos químicos, xestión de almacén ou técnicas instrumentais analíticas (HPLC, GC, técnicas espectroscópicas) (4 puntos), outros méritos (idiomas, informática, cursos) (3 puntos). Os candidatos que cos criterios anteriores obteñan 7 puntos ou mais serán convocados a unha entrevista persoal (4 puntos)

PROXECTO

Título da actividade: Desenvolvemento dun microarray para a identificación rápida de patóxenos emerxentes en alimentos listos para o consumo e minimamente procesados

Referencia da actividade: 2010-PG189

Centro de traballo : Facultade de Veterinaria

Investigador Principal: Pilar Calo Mata

Número de prazas: 1

OBXECTO DA OBRA OU SERVIZO

Traballo a realizar: Deseño de sondas para microarray. Implementación de metodoloxía. Estudo de biomarcadores peptídicos como posibles dianas para a identificación de especies

CONDICIÓNS DO CONTRATO

Retribución bruta mensual : 1400 ,00 €

Duración do contrato: 2 meses

Data inicio prevista: 01/03/2013

Data fin prevista: 30/04/2013

Xornada laboral: tempo completo

REQUISITOS E MÉRITOS DOS CANDIDATOS

REQUISITOS

Titulacións: Licenciado/a en Ciencia e Tecnoloxía dos Alimentos

MÉRITOS: Coñecementos da metodoloxía de hibridación en microarray (1 punto), Dominio das metodoloxías de extracción de ADN, amplificación, hibridación, LDR, análise de secuencias, análise de espectros MALDI-TOF (2 Puntos). Manexo de software bioinformático pra deseño de sondas de ADN, estudo de biomarcadores (3 puntos), Estancias en centros de referencia para a implementación da metodoloxía microarray acoplada a LDR no laboratorio e para a fragmentación peptídica e o análise e estudo de biomarcadores peptídicos para a diferenciación de especies (4 puntos)

ANEXO II

PROXECTO

Título da actividade: ER Stress hipotalámico: un nuevo mecanismo neuroendocrino de regulación del balance energético. Papel de BiP

Referencia da actividade: 2012-PN211

Centro de traballo : CIMUS

Investigador Principal: Miguel Antonio López Pérez

Número de prazas: 1

OBXECTO DA OBRA OU SERVIZO

Traballo a realizar: Labores de investigación. Deseño e realización de experimentos

CONDICIÓNS DO CONTRATO

Retribución bruta mensual : 1562,00 €

Duración do contrato: 12 meses

Data inicio prevista: 26/06/2013

Data fin prevista: 25/03/2014

Xornada laboral: tempo completo

REQUISITOS E MÉRITOS DOS CANDIDATOS

REQUISITOS

Titulacións: Licenciado/a en Bioloxía

MÉRITOS: Amplos coñecementos teórico/prácticos no campo da obesidade, metabolismo e neurociencia (35 puntos), traballos formativos previos no campo de neurociencia (30 puntos), dominio real-time PCR, western blot, xeneración de modelos KO e transxénicos (10 puntos), experiencia demostrable no traballo con animais de laboratorio (10 puntos), experiencia demostrable en traballo con radioisótopos (5 puntos), técnicas de determinación de metabolitos en sangue (5 puntos), coñecementos de inglés (5 puntos)

PROXECTO

Título da actividade: 2012-PN108

Referencia da actividade: Caracterización de la síntesis de sideróforos como factor de virulencia en *Photobacterium damsela* subsp. *damsela*; análisis comparativo con la subsp. *piscicida*

Centro de traballo : Instituto de Acuicultura

Investigador Principal: Manuel Luis Lemos Ramos

Número de prazas: 1

OBXECTO DA OBRA OU SERVIZO

Traballo a realizar: Análisis comparativo de xenomas e xenes em *Photobacterium damsela*

CONDICIÓNS DO CONTRATO

Retribución bruta mensual : 1600,00 €

Duración do contrato: 12 meses

Data inicio prevista: 01/04/2013

Data fin prevista: 31/03/2014

Xornada laboral: tempo completo

REQUISITOS E MÉRITOS DOS CANDIDATOS

REQUISITOS

Titulacións: Licenciado/a en Bioloxía

MÉRITOS: **Curriculum Vitae** (posesión do Dea ou Máster, publicacións en revistas do SCI e participación en proxectos (8 puntos), **Experiencia previa** (análisis de xenomas bacterianos, xeración de mutantes bacterianos por intercambio alélico, análise in silico de secuencias de proteínas, análise predictivo de estrutura/función de enzimas (10 puntos), **Entrevista persoal** (de ser necesario) (2 puntos)

ANEXO III

SOLICITUDE PARA PARTICIPAR NA CONVOCATORIA PÚBLICA 2/2013 DE CONTRATACIÓN DE PERSOAL PARA COLABORAR EN ACTIVIDADES DE INVESTIGACIÓN MEDIANTE CONTRATO DE OBRA OU SERVIZO DETERMINADO

Datos persoais

Nome	Apelidos	DNI	Expedido

Domicilio a efectos de notificación

Rúa, número, planta, porta:	C.P.:
Municipio, provincia:	Teléfono:
e-mail a efectos notificación:	

Datos da actividade de investigación para a que presenta a solicitude

Título da actividade:	
Referencia Praza :	Investigador Principal:
Centro:	
Tese de Doutoramento: indicar se está matriculado na Tese de Doutoramento	
<u>DOCUMENTACIÓN A PRESENTAR: FOTOCOPIA DA CERTIFICACIÓN ACADÉMICA PERSOAL , NAS PRAZAS NAS QUE SE VALORE O EXPEDIENTE DEBERÁ REFLECTIR A NOTA MEDIA, FOTOCOPIA DO TÍTULO, E FOTOCOPIA DOS MÉRITOS ALEGADOS</u>	

EXPÓN

--

SOLICITA

--

_____, a _____ de _____ de _____

Sinatura,

SR. REITOR DA UNIVERSIDADE DE SANTIAGO DE COMPOSTELA